

ქ. თბილისი

28 დეკემბერი, 2017 წელი

1. ხელშეკრულების დამდები მხარეები

ერთის მხრივ ა(ა)იპ „სოფლის მეურნეობის პროექტების მართვის სააგენტო“, (შემდგომში „შემსყიდველი“) წარმოდგენილი დირექტორის მოადგილის ოთარ შამუგიას სახით და მეორეს მხრივ შპს „სრული სერვისი“ (შემდგომში „მიმწოდებელი“), წარმოდგენილი დირექტორის ოლეგი ლაჭონიას სახით, საქართველოში მოქმედი კანონმდებლობის შესაბამისად ვაფორმებთ წინამდებარე ხელშეკრულებას (შემდგომში „ხელშეკრულება“) შემდეგზე:

2. ხელშეკრულების (შესყიდვის) ობიექტი, შესყიდვის საშუალება,

ხელშეკრულების ღირებულება და ხელშეკრულების მოქმედების ვადა

2.1 ხელშეკრულების (შესყიდვის) ობიექტია - შემსყიდველის დროებით სარგებლობაში არსებული შენობის (საკ/კოდი 01.13.02.010.023) დასუფთავება და სანიტარული მომსახურება, რაც მოცემულია ხელშეკრულების დანართ N1-სა და დანართ N2-ში, რომლებიც თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება - ელექტრონული ტენდერი.

2.3 ელექტრონული ტენდერის განცხადების ნომერი NSPA170014896.

2.4 ხელშეკრულების საერთო ღირებულება შეადგენს 14949,60 (თოთხმეტი ათას ცხრაას ორმოცდაცხრა ლარი და 60 თეთრი) ლარს, ყველა სახარჯი მასალების ღირებულების ჩათვლით (ნაგვის პარკები, სარეცხი ხსნარები, ტუალეტის ქაღალდი შესაბამისი ქაღალდის ჩასადებებებით, ხელის საწმენდი ქაღალდები შესაბამისი დისპანსერებით, თხევადი საპნები შესაბამისი დისპენსერებით, ჰაერის გამწმენდი აეროზოლები და სხვა), საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.5 კლასიფიკატორის კოდი - 90911200, 90911300, 90919100, 90921000, 90923000.

2.6 ხელშეკრულება ძალაშია ზემოთ მითითებული თარიღიდან 2019 წლის 31 იანვრამდე.

2.7 ხელშეკრულების მოქმედების ვადის დასრულება არ ათავისუფლებს მხარეებს ხელშეკრულების მოქმედების პერიოდში ნაკისრი ვალდებულებების სრული და ჯეროვანი შესრულებისგან.

3. მომსახურების გაწევის პირობები

3.1 მომსახურების გაწევის ვადა: 2018 წლის 1 იანვრიდან 2018 წლის 31 დეკემბრის ჩათვლით, ხელშეკრულების დანართ N1-ში განსაზღვრული პირობების შესაბამისად.

3.2 მომსახურების გაწევის ადგილი: ქ. თბილისი, ს. ახმეტელის 10ა, (საკ/კოდი 01.13.02.010.023), ა(ა)იპ „სოფლის მეურნეობის პროექტების მართვის სააგენტო“.

4. გასაწევი მომსახურების ხარისხი

4.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების პერიოდულ ინსპექტირებას და კონტროლს ნებისმიერ ეტაპზე ახორციელებს შემსყიდველი.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ: ა(ა)იპ „სოფლის მეურნეობის პროექტების მართვის სააგენტოს“ ლოგისტიკის და შესყიდვების განყოფილების უფროსი ზურაბ პაპუაშვილი ან/და ამავე განყოფილების სამეურნეო საქმიანობის მენეჯერი ალექსანდრე ჩხვიმიანი.

5.3 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

6. მომსახურების მიღება-ჩაბარების წესი

- 6.1 გაწეული მომსახურების მიღება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-5 მუხლის 5.2 პუნქტში მითითებული პირები).
- 6.2 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7. ანგარიშსწორება და ანგარიშსწორების ვალუტა

- 7.1 ანგარიშსწორება მოხდება უნაღდო ანგარიშსწორებით ლარში.
- 7.2 ანგარიშსწორება მოხდება შემსყიდველის საკუთარი შემოსავლებიდან, ეტაპობრივად, მხარეთა შორის მიღება-ჩაბარების აქტის გაფორმებიდან არა უგვიანეს 10 (ათი) სამუშაო დღის ვადაში.
- 7.3 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

- 8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისთვის, არაუგვიანად ან/და ნაწილობრივ შესრულების შემთხვევაში გამოიყენება საჯარიმო სანქციები.
- 8.2 ხელშეკრულების პირობების შეუსრულებლობისთვის მიმწოდებელს ეკისრება პირგასამტეხლოს გადახდა ხელშეკრულების საერთო ღირებულების 20%-ის ოდენობით.
- 8.3 ხელშეკრულების პირობების არაუგვიანად შესრულებისთვის მიმწოდებელს ყოველ კონკრეტულ ფაქტზე ეკისრება პირგასამტეხლოს გადახდა ხელშეკრულების საერთო ღირებულების 2%-ის ოდენობით.
- 8.4 ხელშეკრულების ნაწილობრივ შესრულების შემთხვევაში, მიმწოდებელს ეკისრება პირგასამტეხლოს გადახდა შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.
- 8.5 თუ შემსყიდველი არ ასრულებს წინამდებარე ხელშეკრულების 7.2 პუნქტის მოთხოვნებს, ეკისრება პირგასამტეხლოს გადახდა, მიმწოდებლის მიერ შესრულებული ვალდებულების მიხედვით ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.
- 8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.
- 8.7 დარიცხული პირგასამტეხლოს გადახდა ხელშეკრულების მხარეების მიერ უნდა მოხდეს წერილობითი მოთხოვნის მიღებიდან არაუგვიანეს 20 (ოცი) კალენდარული დღის განმავლობაში.
- 8.8 იმ შემთხვევაში, თუ მიმწოდებელს არ აქვს გადახდილი დაკისრებული პირგასამტეხლო სრულად, შემსყიდველი არ მოახდენს წინამდებარე ხელშეკრულების 7.2 პუნქტით გათვალისწინებულ ანგარიშსწორებას.

9. ხელშეკრულების შეწყვეტა

- 9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაუგვიანად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.
- 9.2 შემსყიდველი იტოვებს უფლებას ცალმხრივად შეწყვიტოს ხელშეკრულება, თუ ის შეწყვეტის შესახებ მიღებულ გადაწყვეტილებას არანაკლებ 5 (კალენდარული) დღით ადრე წერილობით შეატყობინებს მიმწოდებელს. შეტყობინებაში მიეთითება შეწყვეტის საფუძველი და ამოქმედების თარიღი.
- 9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ აგრეთვე:
- ა) ხელშეკრულებით ნაკისრი ვალდებულებების ორჯერ ან მეტჯერ დარღვევის შემთხვევაში;
 - ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - გ) საქართველოს კანონმდებლობით გათვალისწინებულ სხვა შემთხვევებში.
- 9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა, ემბარგოს დაწესება, ასიგნებების მკვეთრი შემცირება და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.

11.2 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

12. უფლებების გადაცემა

12.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

13.2 შეტყობინება შედის ძალაში ადრესატის მიერ მისი მიღების დღეს.

14. სადავო საკითხების გადაწყვეტა

14.1 ხელშეკრულების საფუძველზე წამოჭრილი დავები წყდება ურთიერთშეთანხმების გზით.

14.2 შეთანხმების მიუღწევლობის შემთხვევაში მხარეები მიმართავენ საქართველოს სასამართლოს.

15. სხვა პირობები

15.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

- 15.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 15.3 მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.
- 15.4 ყველა ის საკითხი, რომელიც გათვალისწინებული არ არის ხელშეკრულებით რეგულირდება საქართველოს კანონმდებლობის შესაბამისად.
- 15.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16. მხარეთა რეკვიზიტები

შემსყიდველი

ა(ა)იპ „სოფლის მეურნეობის პროექტების მართვის სააგენტო“
ს/კ 404923785
მის: ქ. თბილისი, მარშალ გელოვანის 6
მიმღების ბანკი - სახელმწიფო ხაზინა
მიმღების დასახელება - ხაზინის ერთიანი ანგარიში
ბანკის კოდი - TRESGE22
მიმღების ანგარიში - GE24NB0330100200165022

მიმწოდებელი

შპს „სრული სერვისი“
ს/კ 406084455
მის: ქ. თბილისი, თავხელიძის N1
ს/ს „საქართველოს ბანკი“
ბანკის კოდი: BAGAGE22
ა/ა N GE02BG0000000293994000

დირექტორის მოადგილე



დირექტორი



ტექნიკური დავალება

მიმწოდებელმა უნდა უზრუნველყოს ქ. თბილისში შემსყიდველის დროებით სარგებლობაში არსებულ მისამართზე: დიდმის მასივი, ს. ახმეტელის 10ა მდებარე შენობის (საკ/კოდი 01.13.02.010.023) პირველ სართულზე 1 ოთახის საერთო ფართის 16,3მ², მე-3 სართულზე არსებული საერთო ფართის - 1073,7მ² და შუშების საერთო სავარაუდო ფართის 228მ² დასუფთავება აუცილებელი ესთეტიკური, თანამედროვე ხელსაწყოების გამოყენებით და ოფისის ვიზუალური შეხედულების შენარჩუნება მაქსიმალური პერიოდის მანძილზე.

- ფართის დალაგება/დასუფთავების ძირითადი სამუშაოები უნდა ჩატარდეს სამუშაოს დაწყებამდე, დილის საათებში (9:00 საათამდე) ან/და სამუშაოს დასრულების შემდგომ საღამოს (18:00 საათიდან) ორშაბათიდან პარასკევის ჩათვლით (გარდა არასამუშაო დღეებისა) არანაკლებ 3 (სამი) დამლაგებლის მიერ.
- დღის განმავლობაში სამუშაო საათების დაწყება/დამთავრებამდე (სამუშაო დღეებში) დალაგებას უნდა ახორციელებდეს მინიმუმ ერთი მორიგე დამლაგებელი.
- დამლაგებლები (18–დან 60 წლამდე ასაკის) აღჭურვილნი უნდა იყვნენ ერთი სტილის ახალი უნიფორმით და ინდივიდუალური სარეცხი ინვენტარით.
- მიმწოდებელმა უნდა უზრუნველყოს სველი წერტილების (2 საერთო სარგებლობის (სულ 9 დანაყოფი და 3 ე.წ. „პისუარი“) და 1 (ერთი) ინდივიდუალური სარგებლობის საპირფარეშო) აღჭურვა მაღალი ხარისხის ტუალეტის ქაღალდით (თეთრი, მაღალი შეწოვის, მინიმუმ 2 ფენიანი ქაღალდი) და შესაბამისი 10 (ათი) ქაღალდის ჩასადებებით; მაღალი ხარისხის ხელის საწმენდი ქაღალდით (თეთრი, მაღალი შეწოვის, მინიმუმ 2 ფენიანი ქაღალდი) და შესაბამისი 6 (ექვსი) დისპანსერებით (აქედან ერთი სამზარეულოში); თხევადი საპნებით და შესაბამისი 7 (შვიდი) დისპენსერით.
- დღეში ერთხელ სამუშაო საათების დაწყებამდე ან მის შემდეგ - ურნებიდან ნაგვის გადაყრა დანიშნულ ადგილზე და ურნებში ახალი ნაგვის პოლიეთილენის პარკების ჩაფენა; მტვრის, ჭუჭყის, ხილული ლაქების, ნათითურების მოშორება სხვადასხვა ჰორიზონტალური და ვერტიკალური ზედაპირებიდან; საპირფარეშოებში არსებული ინვენტარის რეცხვა/დასუფთავება, ტუალეტისა და ხელის საწმენდი ქაღალდებისა და საპნის შევსება, ჰაერის წამახალისებლის გაშვება; კიბეების, იატაკის, აივნების დაგვა და ტილოს საშუალებით მოწმენდა.
- სამუშაო საათების მთელი პერიოდის განმავლობაში საჭიროებისამებრ ზედაპირული ნაგავის, ნარჩენების და სხვა არასასურველი ნივთების მოცილება სხვადასხვა ჰორიზონტალური და ვერტიკალური ზედაპირებიდან; სამზარეულოში ჭურჭლის გარეცხვა, საპირფარეშოებში სანიმუშო სისუფთავის უზრუნველყოფად სამუშაო საათების მანძილზე მათი დალაგება მუდმივ რეჟიმში. სველ წერტილებში მაღალი ხარისხის ტუალეტის ქაღალდების, მაღალი ხარისხის ხელის საწმენდი ქაღალდების, თხევადი საპნების კონტროლი, საჭიროების შემთხვევაში მათი შევსება და ასევე ჰაერის წამახალისებლის გაშვება.
- თვეში ერთხელ - საოფისე ფართის გენერალური დასუფთავება, კარ-ფანჯრების, კედლების, სანათი მოწყობილობების, საპირფარეშო ოთახებში არსებული ინვენტარის და ა.შ გარეცხვა/გაწმენდა სპეციალური ხსნარების გამოყენებით, დეზინსექცია-დეზინფექცია-დეზატიზაცია.
- დასუფთავების მომსახურების გაწევისას გამოყენებულ უნდა იქნეს ეკოლოგიურად სუფთა და ადამიანის ჯანმრთელობისთვის უსაფრთხო და ეფექტური წარმოების საყოფაცხოვრებო, სპეციალური და პროფესიონალური დანიშნულების საწმენდი და მოსავლელი ქიმიური და სადეზინფექციო საშუალებები.

შემსყიდველი

ა(ა)იპ „სოფლის მეურნეობის პროექტების მართვის სააგენტო“

დირექტორის მოადგილე

მიმწოდებელი

შპს „სრული სერვისი“

დირექტორი


ა.ო. დაჟონია/



დაზუსტებული ფასების ცხრილი

შპს „სრული სერვისი“

დასახელება	განზომილება (თვე)	ერთეულის ღირებულება (ლარი)	საერთო ღირებულება (ლარი)	მომსახურების გაწევის ვადა
შენობის დასუფთავება და სანიტარული მომსახურება სატენდერო პირობების 1.2 პუნქტის შესაბამისად	12	1245.8	14949.6	2018 წლის 1 იანვრიდან 2108 წლის 31 დეკემბრის ჩათვლით. სატენდერო პირობების 1.2 პუნქტის შესაბამისად



ხელწერილი

ინტერესთა კონფლიქტის არარსებობის შესახებ

ქ. თბილისი

28 დეკემბერი, 2017 წელი

ვადასტურებ, რომ 2017 წლის 27 ნოემბერს გამოცხადებული ელექტრონული ტენდერის (სატენდერო განცხადების NSPA170014896) შედეგად ა(ა)იპ „სოფლის მეურნეობის პროექტების მართვის სააგენტოს“ და შპს „სრულ სერვისს“ შორის გაფორმებული ხელშეკრულების ფარგლებში ჩემი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს 2005 წლის 20 აპრილის კანონის მე-8 მუხლის მოთხოვნებს და ინტერესთა კონფლიქტში არ ვიმყოფები.

ლოგისტიკის და შესყიდვების განყოფილების სამეურნეო საქმიანობის მენეჯერი

ა. ჩხვიმიაძი -

